



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apotheca Spiritvalivm Pharmacorvm Contra Lvem Contagiosam Aliosqve Morbos

Wichmans, Augustin

Antverpiae, 1626

Et alibi aliorum plurimorum sanctorum Martyrum ...

urn:nbn:de:hbz:466:1-9653

Et alibi aliorum plurimorum sanctorum Martyrum, Confessorum atque Virginum, qui dirum pestilentiae malum à suis Clientibus diuina ope propullarunt, aut eadem ardentem ignem in eorumdem corporibus restinxerunt.

ITa hoc Diarium meum Sanctorum contra pestem Tutelarium concludo, iterumque nouo voto pro me omnibusq; illo utentibus, Deo Tutelari per eorumdem suffragia supplico.

Omnipotens & misericors Deus, supplicibus tuis misericordiam tuam clementer impende: vt qui peccatis nostris, Maiestatem tuam grauitè nos offendisse confitemur, gloriose Virginis & Dei Genitricis Mariae, sanctorumque Rochi, Antonij, Christophori, Sebastiani, Hadriani, & omnium electorum tuorum intercessione ac meritis, à pestis contagione, fame & bello, tua benignitate seruemur. Per Christum Dominum nostrum. Amen.

Beda lib. 3. historiae Anglorum c. 27.

EDelhun & Ecgbert cū essent in monasterio, quod lingua Scottorum Rathmelfigi appellatur, & omnes socij ipsorum vel mortalitate de saeculo rapti, vel per alia essent loca dispersi, correpti sunt ambo morbo eiusdem mortalitatis, & grauissimè afflicti. E quibus Ecgbert (sicut mihi referebat quidam veracissimus & venerandae canicie presbyter, qui se hæc ab ipso audisse perhibebat) cū se æstimaret esse moriturum, egressus est tempore matutino de cubiculo, in quo infirmi quiescebant, & residens solus in loco opportuno, cœpit sedulò cogitare de actibus suis, & compunctus memoria peccatorum suorum, faciem lacrymis abluebat, atque intimo ex corde Deum precabatur, ne adhuc mori deberet, priusquam vel præteritas negligentias, quas in pueritia siue infanzia commiserat, perfectius ex tempore castigaret, vel in bonis se operibus abundantius exerceret. Vouit etiam votum, quia ad eò peregrinus viuere vellent, vt numquam in insulam, in qua natus est, id est, Britanniam rediret. quod præter solennem canonici temporis psal-